

卷二

書名 審看擬式四卷首一卷
 撰者 清 剛毅 撰, 清 葛士達 撰附
 卷 卷二
 內容分類 史-政書 法令-律學
 索書號 大木-法類-獄訟-斷獄-10
 編號 B3841100

彩色首頁1

東洋文化研究所漢籍目錄 編號: B3841100

東洋文化研究所漢籍目錄所藏漢籍善本全文影像資料庫 索書號: 大木-法類-獄訟-斷獄-10

漢籍善本全文影像資料庫文本審看擬式四卷首一卷

版權所有: 東京大學 東洋文化研究所
 使用上的注意事項

審看擬式卷一

蠹役詐贓擬軍脫逃自首遇 赦不准留養

該某縣知縣某審看得軍犯池壽在配脫逃自首並請留養一案緣池壽籍隸 卑 縣曾充縣署快役於某年月日因索詐縣民矣謂得贓犯案審依蠹役恐嚇索詐貧民者計贓十兩以上發近邊充軍刺發某省某縣安置於某年月日到配經該縣將該折責發交鄉約張四管束至某年月日池壽因配所貧難復母老無依即乘閒脫逃經該鄉約張四報經某縣訊供詳緝滿未獲擬議詳參某月日池壽逃回家內慮被拏獲從重問旋即自行赴案投首經 卑 縣訊供通詳奉批飭審遵提覆鞫供前情不諱逃後詰無另犯不法及知情容留人家配所鄉亦無賄縱情弊案無遁飾查例載充軍常犯至配脫逃初次枷號一箇月本犯近邊者以次遞加又蠹役詐贓十兩以上者

蠹役詐贓擬軍請留養

有私藏洋鎗者照私藏鳥鎗例治罪鳥鎗私藏者杖九十枷號一箇月例擬杖九十枷號一箇月滿日折責發落僉差遞籍管束免其逗遛生事洋鎗儲庫所有審擬緣由是否允協理合詳請

憲台核轉

審看擬式卷一終

審看擬式卷二

監守自盜倉庫錢糧

該某縣知縣某審看得革書吳來侵盜庫銀一案緣吳來籍隸卑縣向充庫房經書卑縣收有雜稅銀三十兩封儲在庫吳來因貧難度獨自起意侵盜度用某年月日因公開庫吳來乘閒將前項征儲稅銀侵盜入己花用嗣于某年月日卑職親往盤庫查無前項銀兩卽提訊吳來供認侵盜不諱將吳來斥革錄供通詳奉批飭審遵提覆鞫據供前情不諱詰無另犯侵盜別案及夥謀分用之人案無遁飾查律載監守自盜倉庫錢糧併贓論罪三十兩杖一百流三千里雜犯總徒四年等語此案吳來身充庫書有監守之責明知庫儲雜稅銀兩輒敢起意侵盜卽屬監守自盜計贓三十兩自應按律問擬吳來合依監守自盜倉庫錢糧計贓三十兩杖一百流三千里律擬杖一百流三

審看榜三
千里係雜犯總徒四年並於右小臂膊上刺盜官銀三字仍照
例監追限滿不完卽行刺字發配年滿預詳請釋所有擬議緣
由是否允協理合連犯解候
憲台審轉

強盜

該某縣知縣某審看得獲犯錢二等聽糾行劫某雜貨鋪得贓
一案緣錢二周五吳六分隸某省某等縣負苦度日均先未爲
匪某年月日錢二行至某村外合已獲之周五吳六在逃之趙
大孫三李四兇後撞遇各道貧難趙大探知某雜貨鋪有錢起
意糾劫得贓分用錢二等均各應允卽於是夜趙大錢二孫三
各攜片刀李四周五各攜木棒吳六空手一同起身行至中途
吳六因心懷畏懼不敢同往趙大卽令吳六在路旁空廟等候
趙大寺同夥五人行至某村某雜貨鋪門首時已二更見門已
關孫三李四擡石撞開鋪門周五在外把風錢二點燃油捻照
亮合趙大等進鋪搜劫事主某驚起喊捕錢二嚇禁聲張某畏
懼避匿錢二合趙大等劫得銀錢各物逃出門外交周五等分
攜逃回空廟向吳六告知強劫情由查點贓物俵分各散經事

主某查明失物開單投約報經卑職會勘訊供差緝錢二等逃後往各處躲避日行僻路夜宿孤廟空窰並無定址至某日錢二周五吳六逃至縣屬某村外即經卑縣兵役拏獲並起獲原贓送經卑職訊供通詳奉批緝審遵提覆鞫據供前情不諱詰無月有窩夥竊劫別案逃後亦無月犯為匪不法及知情容留人家案無遁飾查律載強盜已行但得財者不分首從皆斬又例載共謀為強盜夥犯臨時畏懼不行但事後分贓者杖一百流二千里各等語此案錢二周五聽從逸盜趙大行劫某雜貨舖或入室搜贓或在外把風均屬同惡相濟贓有起獲給主認領正盜無疑自應按律問擬錢二周五合依強盜已行但得財者不分首從皆斬律擬斬立決左面刺強盜二字吳六聽從逸盜趙大行劫行至半途畏懼不敢同往惟事後知情輒敢分得贓物亦應按例問擬吳六合依共謀為強盜夥犯臨時畏懼不

行事後分贓者杖一百流二千里例擬杖一百流二千里左面刺強盜二字到配後折責安置該犯等逃後訊無月犯為匪不法及知情容留人家應毋庸議該犯等在外為匪原籍牌甲無從覺察請免置議獲贓給主認領未獲各贓獲賊追賠賊械存庫逸犯趙大等緝獲另結此案首夥盜犯六人於限內僅獲夥犯三名獲犯及半未獲盜首仍應照例開參合併聲明是否允協理合連犯解候
憲臺審轉





強盜

該某縣知縣某審看得獲盜趙甲糾邀錢乙等行劫某貨鋪得
贓並窩主吳六並未分贓暨李四在監病故一案緣趙甲錢乙
孫三吳六鄭七均籍隸某省某縣受苦度日先未爲匪某年月
日趙甲行至某村外與已獲之錢乙孫三鄭七已故之李四在
逃之周五先後撞遇各道貧難趙甲聲言伊稔知某村某貨鋪
有錢起意糾劫得贓分用錢乙等均各允從卽於是夜趙甲錢
乙孫三各攜腰刀李四周五各攜木棍鄭七空手行至中途鄭
七因心懷畏懼不敢同往乘閒逃跑趙甲等同夥五人偕抵縣
屬某村某貨鋪門首時已三更見門已關趙甲錢乙擡石撞門
孫三點燃油捻照亮李四周五在外把風趙甲等一同進鋪事
主某驚起喊捕趙甲嚇禁聲張用腰刀砍傷某左肩甲某畏懼
避匿趙甲等劫得各物逃出門外交李四等分攜逃至素識之

吳六家內吳六見趙甲等形迹可疑當向盤問趙甲等料難隱
 瞞說出前情並央吳六窩留吳六因與趙甲等素相交好亦即
 應允趙甲錢乙孫三李四周五即在吳六家空房內住歇查點
 各賊大家俵分旋聞差拏緊急趙甲等即逃往各處躲避日行
 僻路夜宿孤廟空窰並無定址趙甲將分得羊皮馬褂賣給過
 路不識姓名人得錢三千文與分得贓銀陸續花用至某月日
 趙甲錢乙孫三李四周五吳六逃至某村與鄭七撞遇即經
 縣兵役將趙甲錢乙孫三李四鄭七吳六一併拏獲周五乘間
 脫逃並起獲原贓器械送經卑職訊供通詳奉批緝審正覆審
 閒據禁卒稟報該犯李四於某月日在監染患傷寒病症當經
 驗明撥醫調治詎該犯服藥罔效延至某日因病身死即經
 職稟蒙本府檄委某縣某令過境驗明該犯李四委係因病所
 致並無別故經某令填格錄供通報奉批核入正案辦理查逸



犯周五弋獲無期現犯未便久羈遵提覆鞫據供前情不諱詰
 無另犯窩夥竊劫別案訊據吳六亦無造意同行分贓情事逃
 後均無別犯為匪不法及另有容留分贓人家案無遁飾查律
 載強盜已行但得財者不分首從皆斬又例載強盜窩主但知
 情存留五人以上發新疆給官兵為奴於發遣處加枷號六個
 月又共謀為強盜夥犯臨時畏懼不行事後不分贓者杖一百
 各等語此案趙甲因貧起意糾邀錢乙等行劫某貨鋪得贓實
 屬不法錢乙孫三聽從行劫或在外把風或入室搜贓亦屬同
 惡相濟贓有起獲給主認領正盜無疑自應按律問擬趙甲錢
 乙孫三合依強盜已行但得財者不分首從皆斬律均擬斬立
 決左面刺強盜二字李四業已在監病故應毋庸議吳六當趙
 甲錢乙孫三李四周五等五人至家盤出趙甲等強劫情由並
 不即時報官輒敢窩留雖未分得贓物亦應按例問擬吳六合

依強盜窩主但知情存留五人以上發新疆給官兵爲奴於發遣處加枷號六個月例擬發新疆給官兵爲奴仍照名例改發極邊煙瘴充軍以足四千里爲限到配後枷號六個月滿日銷帶鉄杆石礮二年左面刺強盜窩主四字右面刺改發二字鄭七聽從趙甲行劫行至中途畏懼逃匿不上盜亦未事後分贓亦應按例問擬鄭七合依共謀爲強盜夥犯臨時畏懼不行事後不分贓者杖一百例擬杖一百折責發落該犯等逃後訊無月犯爲匪不法及另有容留分贓人家應毋庸議失察該犯趙甲爲匪之父兄移籍照例傳責該犯等在外爲匪原籍牌甲無從覺察應免置議獲贓給主認領未獲各贓照估追賠買贓之不識姓名人請免傳究李四身死之處業經某令驗訊並卑職覆審明確委係因病所致並無別故刑禁人等亦無凌虐情弊亦毋庸議屍棺浮埋標記傳屬領埋周五獲日另結賊械存

庫此案首夥盜犯六人已於限內拏獲五名獲犯過半兼獲盜首請免開參合併聲明是否允協理合連犯解候

憲臺審轉





捕役分贓通賊

該某縣知縣某審看得獲盜趙大等行劫事主鄭七家銀錢並捕役吳六分贓通賊一案緣趙大錢二孫三分隸某省某縣均在縣屬種地度日吳六籍隸_卑縣向充捕役與趙大等素識俱先未為匪某年月日趙大路遇已獲之錢二孫三在逃之李四周五各道貧難趙大稔知縣屬鄭村鄭七家富足起意糾劫得贓分用錢二等均各允從卽於是夜二更時趙大錢二各攜片刀孫三攜洋火油捻李四周五徒手同夥五人一同行至鄭七家門首趙大與錢二擡石撞開大門孫三點燃油捻照亮李四周五在外把風趙大等進內行劫事主鄭七驚起喊捕趙大嚇禁聲張鄭七畏懼避匿趙大用片刀砍開木櫃與錢二等劫得銀兩現錢逃出門外交李四等分攜逃至村外空窰內正欲點贓俵分適捕役吳六趨至瞥見趙大等知不能瞞告述前情求

免拏送願將所劫銀錢分給一股吳六應允當卽俵分贓物攜
贓分路躲逃次日鄭七報經 卑縣會營勘訊差緝某日趙大錢
三孫三逃至某村卽經兵役拏獲並起出原贓送縣訊悉前情
卽提吳六到案質認分贓屬實錄供通詳奉批飭審遵提覆鞫
據供前情不諱詰無另有窩夥竊劫別案逃後亦無另犯爲匪
不法及知情容留人家吳六亦無分贓通賊別案案無遁飾查
律載強盜已行但得財者不分首從皆斬又例載捕役分贓通
賊照本犯一體治罪各等語此案趙大因貧難度輒敢起意糾
邀錢二等行劫鄭七家銀錢實屬愍不畏法錢二孫三聽糾上
盜入室搜贓亦屬同惡相濟贓經起獲給主認領正盜無疑自
應按律問擬趙大錢二孫三均合依強盜已行但得財者不分
首從皆斬律擬斬立決均左面刺強盜二字吳六身充捕役既
知趙大等係行劫正盜輒敢不行捕拏復分得贓物分贓通賊

質證確鑿實屬法無可貸亦應按例問擬吳六合依捕役分贓
通賊照本犯一體治罪照趙大等本犯強盜已行不分首從皆
斬律擬以斬立決左面刺竊犯二字不能約束趙大等爲匪之
父兄是否知情分別移籍傳責該犯等逃後訊無另犯爲匪不
法及知情容留人家應毋庸議該犯等在外爲匪各原籍牌甲
無從覺察請免置議獲贓給領未獲各贓獲贓追賠賊械供棄
免起李四周五獲日另結此案首夥盜犯五名業於疎防限內
緝獲三名獲犯過半兼獲盜首請免開參捕役分贓通賊係 卑
職自行訊明拏獲按例究辦所有失察職名亦請免其開送是
否允協理合連犯解候
憲臺審轉

奪犯毆差

該某縣知縣某審看得縣民何來等奪犯傷差一案緣何來籍隸卑縣種地度日先素爲匪某年月日何來表兄尤甲行竊錢八家米麥逃逸報經卑職飭差捕役李才將尤甲緝獲鎖拏送案行至中途何來聞知前情恐尤甲到官問罪起意打奪卽邀允周五吳乙趙四王六陳七謝八同夥七人各攜刀棍徒手不等一同前往瞥見李才鎖帶尤甲行走何來等趕上將李才攔住令將尤甲留下李才不允何來用木棍毆傷李才左額角左眼睛李才畏懼躲避何來將尤甲鎖鍊扭斷一同逃逸李才回縣報經卑職添差緝獲何來送縣訊供通詳奉批飭審查驗李才傷已平復遵提覆鞫據供前情不諱詰無另犯打奪別案及別有在場幫助之人案無遁飾查例載官司差人捕獲罪人有聚眾中途打奪其傷差未致死者首犯仍照律擬絞監候等語

此案何來因伊表兄尤甲犯竊被獲輒敢起意糾邀在逃之周五等多人中途打奪將捕役李才毆傷實屬不法自應按律問擬何來合依官司差人捕獲罪人聚眾中途打奪其傷差未致死者首犯仍照律擬絞監候例擬絞監候秋後處決左面刺聚眾奪犯四字李才傷已平復應毋庸議周五等與尤甲飭緝獲日另結此案人犯七人雖即時拏獲首犯何來一名尚有夥犯周五等六名未獲仍應照例開參合併聲明是否允協理合連犯解候

憲臺審轉

奪犯毆差

該某縣知縣某審看得縣民郭貫等奪犯傷差一案緣郭貫籍隸^卑縣趕車度日先未爲匪某年月日郭貫與閻二虎赴村外趕集聞知素識之張三因行竊城內某鋪銅盆茶壺被捕役趙發奉票盤獲欲鎖帶送縣慮恐張三到案受刑起意中途打奪央閻二虎幫助閻二虎應允卽於是日郭貫攜帶木棒閻二虎徒手趕至縣屬某村地方瞥見捕役趙發鎖帶張三行走郭貫等趕攏喝住令將張三留下趙發不允郭貫卽用木棒毆傷趙發左眼胞左頤頰趙發負痛鬆手郭貫等卽將張三鎖鍊扭斷一同逃逸趙發回縣報經^卑職添役追緝至某日郭貫閻二虎張三逃至某村地方卽經差役拏獲並起獲原贓器械送縣訊供通詳奉批飭審查驗趙發傷已平復遵提覆鞫據供前情不諱詰無另犯打奪別案及另有在場幫助之人逃後亦無另犯

為匪不法及知情容留人家案無遁飾查例載官司差人捕獲
罪人有僅止一二人中途打奪者無論有無傷差為首者杖一
百流三千里為從減一等又律載竊盜已行而得財者一兩以
下杖六十各等語此案郭貫因聞素識之張三犯竊被獲輒敢
起意邀同閻二虎中途打奪實屬不法自應按例問擬郭貫合
依官司差人捕獲罪人有一二人中途打奪者無論有無傷差
為首者杖一百流三千里例擬杖一百流三千里左面刺毆差
奪犯四字到配折責安置閻二虎聽糾幫奪係屬為從應於郭
貫滿流罪上減一等擬杖一百徒三年到配後折責充徒年滿
預詳請釋張三於郭貫等奪犯傷差並未知情亦未幫同下手
自應仍科竊罪張三獨自行竊計贓一兩以下合依竊盜已行
而得財者一兩以下杖六十律擬杖六十折責發落係初犯於
右小臂刺竊盜二字趙發被毆傷痕業已平復應毋庸議起獲

各賊給主認領器械存庫所有擬議緣由是否允協理合連犯
解候

憲臺審轉

各等語此案張某因災荒饑餓輒敢起意糾搶李某場院內穀子殊屬不法賊經起獲正賊無疑所搶之贓估值銀七錢五分自應仍按搶奪本律問擬張某合依白晝搶奪人財物杖一百徒三年律擬杖一百徒三年到配折責充徒年滿預詳請釋左面刺搶奪二字失察爲匪之牌甲照例傳責贓已起獲給領逸犯王某飭緝獲日另結是否允協擬合連犯解候

憲臺審轉

饑民爬搶

該某縣知縣某審看得饑民趙甲等爬搶食物一案緣趙甲錢乙孫丙均籍隸卑縣務農度日先未爲匪某年夏閒大雨時行河水陡漲卑縣屬某某村等被水成災該犯等所種河灘地畝均被淹沒報經卑縣勘明成災分數稟請酌量撫卹賑濟某月日趙甲錢乙孫丙徒手赴城領賑路遇同行適張三擔餅走過趙甲因腹中饑餓向張三賒食不允趙甲上前攫食張三攔阻趙甲將張三推跌倒地未傷卽喝令錢乙孫丙一同搶食當將餅子爬搶二十餘枚分食各散張三正欲赴縣喊控適趙甲等領得賑穀出倉聞知悔懼卽央人首服聲稱實孫饑餓難忍以致搶餅分食現願以所領賑穀如數償還懇免控究旋經卑縣訪拏詳奉批審遵提覆鞫據供前情不諱詰無持械糾約行凶亦無攫取別贓及另犯爲匪不法情事此外亦無在場同搶之

人案無遁飾查例載饑民喫搶糧食十人以下徒手並未持械者仍照搶奪本律科斷又律載若強竊盜取人財物而於事主處首服付還者與經官自首同皆得免罪各等語此案趙甲因向張三賒餅未允輒敢喝命錢乙孫丙一同搶食本應照律問擬惟該犯一聞張三欲控卽自悔懼首服情願以所領賑穀如數償還尙非怙惡核與自首免罪之例相符且據供稱實係饑餓難忍亦殊可憫趙甲錢乙孫丙合依強搶盜取人財物而於事主處首服付還者與經官自首同皆得免罪律免其搶奪首從之罪但當歲荒之際人心易動不得不予薄懲俾知警戒趙甲錢乙孫丙擬請照不應重律分別杖責並加趙甲枷號一箇月擬結是否允協伏候核奪示遵

搶奪拒捕

該某縣知縣某審看得縣民蔣作獨自搶奪過客財物拒捕未經成傷一案緣蔣作籍隸卑縣務農度日先未爲匪某年月日蔣作赴鄰村探親晌午時行至炭窰溝地方瞥見先不認識之事主王老麼背負錢搭行走四野無人蔣作因念貧難起意搶奪用身帶半截木棍向前嚇奪王老麼不放錢搭用拳撲毆該犯順用斷棍連毆王老麼頭顱未傷王老麼年老鬆手該犯奪獲錢搭搶得煙土十五兩現錢八百文逃逸王老麼投約報案當經卑縣僉差緝捕次日卽將蔣作並贓物一同拏獲送案訊供通詳奉批飭審遵提覆鞫據供前情不諱詰無窩夥竊劫別案及窩留夥搶之人案無遁飾查例載白晝搶奪拒捕未經成傷之首犯發近邊充軍等語此案蔣作路遇王老麼輒敢獨自起意搶奪雖拒捕未經成傷究屬不法自應按例問擬蔣作一

犯除計贓輕罪不議外合依白晝搶奪拒捕未經成傷之首犯發近邊充軍例擬發近邊充軍到配折責安置左面刺搶奪二字失察該犯爲匪之牌甲照例傳責獲贓給領木棍解驗發回存庫備案所有擬議緣由是否允協理合連犯解候憲臺審轉

搶奪拒捕

該某縣知縣某審看得獲賊吳來起意糾搶張甲銀兩衣服拒捕未經成傷一案緣吳來籍隸卑縣游蕩度日先未爲匪某年月日吳來至某村趕集路遇在逃素識之縣民尤乙各道貧難吳來起意搶奪得贓分用尤乙允從是日傍晚吳來與尤乙俱係徒手同夥二人偕抵某處路旁等候見先不識姓名之事主張甲背負行李包袱走至吳來等四顧無人一同上前攔搶張甲用拳撲毆吳來閃避亦用拳拒毆張甲未傷卽與尤乙順將張甲推跌倒地搶得包袱一同逃至僻處查點贓物係碎銀一包藍布單衣四件吳來分得碎銀三兩零布衣兩件餘贓尤乙分去各散事主張甲正在投約報案閒適遇奉票巡查道路之縣役李明等走至張甲向述情由卽經李明等於是夜二更時將吳來緝獲連贓送案訊供通詳奉批緝審查逸犯尤乙弋獲

無期遵提覆鞫據供前情不諱詰無窩夥竊劫別案及另有同夥幫搶之人案無遁飾查例載白晝搶奪拒捕未經成傷之首犯發近邊充軍等語此案吳來因貧難度輒敢起意糾搶張甲銀兩衣服拒捕未傷殊屬不法賊經起獲正賊無疑自應按例問擬吳來除計贓輕罪不議外合依白晝搶奪拒捕未經成傷之首犯發近邊充軍例擬發近邊充軍到配折責安置左面刺搶奪二字失察該犯等爲匪之牌甲照例傳責獲贓給領未獲追賠尤乙飭緝獲日另結是否允協擬合連犯解候
憲臺審轉

搶奪私鹽

該某縣知縣某審看得獲賊張三起意搶奪李四販運私鹽一案緣張三李四均籍隸_卑縣張三傭工度日先未爲匪李四趕腳營生某年月閒李四因馱載貨物腳價無多起意販運私鹽圖利卽向路過不識姓名老幼人擔上陸續收買私鹽一百六十斤於是月某日早將鹽斤分作兩包用驢馱載運往某村售賣行抵某處適張三與素識在逃之同縣人錢六撞遇張三探知李四販運私鹽起意搶奪得贓分用卽商允錢六攔搶瞥見李四趕驢趨至張三等四顧無人一同上前攔住驢頭推落馱架解散捆繩張三錢六各搶得鹽一包逃逸李四喊捕卽被_卑縣巡役聽聞追捕錢六棄贓先逸將張三並李四驢頭私鹽一併拏獲送經_卑職驗訊通詳奉批緝審查逸犯錢六七獲無期遵提覆鞫據供前情不諱詰無窩夥搶劫與販別案李四亦無

攜帶器械及同夥共販之人案無遁飾查律載犯私鹽者杖一百徒三年又例載販賣私鹽向老幼零星收買數在三百斤以下實不能供出賣鹽人姓名者仍以本罪科斷又探知竊盜人財而於中途搶去准竊盜論又律載竊盜贓一兩至一十兩杖七十又斷罪無正條援引他律比附定擬各等語此案李四因馱載貨物腳價無多輒敢起意販運私鹽殊屬不法查該犯鹽斤訛係向不識姓名老幼人擔上收買數在三百斤以下自應按本律問擬李四合依犯私鹽者杖一百徒三年律擬杖一百徒三年到配折責充徒年滿預詳請釋張三明知李四販運私鹽糾夥搶奪亦屬不法徧查律例並無搶奪私鹽作何治罪專條查該犯所搶私鹽估值銀三兩一錢自應比例問擬張三應比依探知竊盜人財中途搶去准竊盜論竊盜贓一兩至一十兩杖七十律擬杖七十折責發落所獲鹽斤驢頭照律入官變

價冊報賣鹽之不識姓名老幼人請免緝究張三在外爲匪本村牌甲無從覺察請免置議逸犯錢六緝獲另結是否允協擬合連犯解候

憲臺審轉

搶奪私鹽

該某縣知縣某審看得縣民趙大錢二搶奪孫三私鹽一案緣
趙大錢二均籍隸_卑縣務農度日先未為匪某年月日趙大因
貧難度探聞鄰村孫三在口外販得私鹽不久回村售賣起意
搶奪得贓分用往邀錢二幫搶錢二允從某日趙大錢二均各
徒手偕抵胡家峪山口等候下午時孫三趕驢二頭馱鹽四袋
走至趙大向前攔阻斥其不應販賣私鹽定欲送官究治孫三
畏懼即棄驢鹽逃逸趙大錢二驅驢馱鹽回村行至村外經_卑
縣捕役瞥見盤出情由人鹽並獲送經_卑職驗訊不諱傳紀估
得私鹽四袋重三百二十斤值銀六兩四錢驢二頭值銀八兩
其估值銀十四兩四錢詰係中途搶奪私鹽得贓並無私販情
事亦無另犯為匪不法及知清窩頓之人案無遁飾查例載探
知竊盜人財而於中途搶去準竊盜論又律載竊盜已行併贓

論罪爲從減一等二十兩杖七十又斷罪無正條援引他律比附定擬各等語此案趙大探知孫三販運私鹽輒敢起意中途搶奪實屬不法惟徧查律例並無搶奪私鹽作何治罪專條自應比例問擬趙大合依探知竊盜人財中途搶去準竊盜論竊盜賊二十兩杖八十律擬杖八十錢二聽糾幫搶係屬爲從應於趙大杖八十律上減一等擬杖七十均折責發落免刺私鹽驢頭照律入官變價冊報孫三緝獲另結所有審擬緣由是否允協理合詳請
憲臺查核

竊盜三犯

該某縣知縣某審看得獲賊趙大糾竊李四家銀物查係三犯竊盜一案緣趙大籍隸卑縣平日在外游蕩不務正業某年月日趙大在村外閒游與在逃之同村人張丙撞遇各道貧難趙大稔知某村李四家殷實起意糾竊得贓分用張丙允從卽於是夜三更時分趙大張丙均係徒手同夥二人偕抵李四家門首見門已關趙大等爬牆進院趙大掇落房門與張丙一同進房扭斷櫃鎖竊得洋藥銀物仍由原路逸出逃至村外點賊儀分各散次日經事主李四查知開單投約報縣勘訊差緝某月日趙大逃至某村外卽經卑縣緝役拿獲並獲原贓送縣查趙大一犯前於某年月日會糾竊錢二家衣服又於某年月日復獨竊孫三家錢物均經獲案訊明依律杖枷於右小臂膊左面刺字通詳在卷此次實係三犯經卑職訊供錄案通詳奉批緝

審查逸賊張丙弋獲無期現犯未便久羈遵提覆鞫據供前情不諱詰無另犯窩夥竊劫別案逃後亦無爲匪不法及知情容留人家案無遁飾查律載竊盜三犯賊至五十兩以上照律擬絞又律載竊盜三犯者絞監候各等語此案趙大兩次行竊錢二等家得贓犯案保釋後尙復不知悛改輒復糾竊李四家洋藥銀物殊屬不法贓均起獲給主認領正賊無疑此次趙大糾竊李四家洋藥銀物計贓五十二兩五分並查該犯前二次犯案期內並未恭遇

恩赦得免併計自應按律問擬趙大合依竊盜三犯賊至五十兩以上者照律擬絞例擬絞監候秋後處決左面刺竊盜二字該犯逃後訊無另犯爲匪不法及知情容留人家應毋庸議原保鄉地訊無故縱情弊照例傳責獲贓給主認領未獲各贓獲賊追賠逸賊張丙獲日月結是否允協理合連犯解候

憲臺審轉

捕役勾通竊賊坐地分贓

該某縣知縣某審看得革捕張三勾引李四行竊坐地分贓一案緣張三李四均籍隸某縣張三充當卑縣捕役李四傭工度日均先未為匪某年月日張三行抵南關地方與素識之李四撞遇張三因貧難度起意勾引李四在外行竊得贓分用李四允從某月日夜二更時分李四獨自一人徒手至錢六家門首見大門虛掩推門進院用手撥門入室開啟木櫃竊得衣服現錢仍由原路逸出逃回南關空廟次早查點贓物與張三按股勻分即經卑職訪聞連贓一併扣獲並據事主錢六開單投約報縣勘訊通詳奉批飭審遵提覆鞫據供前情不諱詰無另犯窩夥竊劫別案此外亦無同夥之人案無遁飾查例載捕役勾通竊賊坐地分贓者實發雲貴兩廣極邊烟瘴充軍又律載竊盜贓一兩至一十兩杖七十各等語此案張三因貧難度輒敢

勾引李四行竊坐地分贓殊屬不法自應按例問擬張三合依捕役勾通竊賊坐地分贓者實發雲貴兩廣極邊烟瘴充軍例擬實發雲貴兩廣極邊烟瘴充軍仍以足四千里為限到配杖一百折責安置左面刺蠹犯二字李四聽從行竊得贓計估值銀七兩五錢贓經起獲給主認領正賊無疑亦應按律問擬李四合依竊盜贓一兩至一十兩杖七十律擬杖七十折責發落係初犯照律於右小臂膊上刺竊盜二字該犯等此外訊無窩夥竊劫別案應與無從覺察該犯等在外為匪之本村牌甲均毋庸議除將李四管押候示外所有擬議緣由是否允協理合連犯解候
憲臺審轉

盜田野穀麥

該某縣知縣某審看得縣民趙大等盜割羊甲家地內麥子一案緣趙大錢四李虎均籍隸_卑縣傭工度日某年月日趙大路過某村見羊甲地內麥已成熟無人看守起意偷割食用即於是夜二更後商允村人錢四李虎各攜鐮刀麻繩潛往羊甲地內將麥子割下捆縛分負逃回趙大家內俵分各散次日經羊甲查知投知鄉地查訪某日將趙大錢四李虎盤獲並原贓麥子送縣當經_{卑職}提訊據供前情不諱詰無另犯為匪不法暨另有在場幫割及窩贓之人案無遁飾應即擬結查律載盜田野穀麥者計贓准竊盜論免刺又竊盜贓一兩以下杖六十為從減一等各等語此案趙大因見羊甲地內麥熟無人看守輒敢糾邀錢四等盜割實屬不合所盜麥子九斗估值銀五錢自應按律問擬趙大合依盜田野穀麥計贓准竊盜論竊盜贓一

兩以下杖六十律擬杖六十錢四李虎聽從盜割係屬爲從應
於趙大杖六十罪上減一等各擬以笞五十與趙大均折責發
落照律免刺原贓麥子飭主認領取領附卷牌甲訊不知情應
毋庸議無干省釋所有擬議緣由是否允協理合詳請
憲臺核示

兇惡棍徒

該某縣知縣某審看得已革從九品職銜石成生事行兇無故
擾害一案緣石成籍隸_卑縣於某年在本省遵某某事例報捐
從九品職銜平素爲人兇橫人皆側目與吳三先無仇隙石成
家中向僱西村蔡二之妻王氏傭工王氏之女桂姐亦時常往
石成家探望王氏與石成習見不避某年月閒不記日期石成
之妻金氏帶同蔡王氏出外探親適桂姐復至石成稔知蔡二
夫婦懦弱卽向桂姐調戲桂姐不允石成用言嚇逼成姦嗣後
乘隙續舊不記次數並未給與錢物後經蔡王氏窺破向桂姐
盤出姦情禁止往來石成因不能與桂姐續姦卽與蔡王氏爭
吵並稱如不令桂姐往來定要將蔡二夫婦殺死之言蔡王氏
畏懼未敢與較至某月閒石成因事外出未歸蔡王氏辭工回
家向蔡二告知前情蔡二因畏石成兇橫帶同蔡王氏桂姐避

匿吳村吳三家居住石成回家查知卽於是月某日攜帶鐵錙乘馬趕至吳三家尋見蔡王氏並桂姐石成卽斥吳三不應容留王氏等居住吳三不服理論石成順用手攜鐵錙毆傷其左胎膊左腿肚吳三畏懼避匿石成又將其門窗傢具一併砸毀經村人趙四央勸回歸吳三等均畏石成勢惡未敢控告當經卑縣訪聞差拏於某日將石成並兇器鐵錙獲送到案正出示招告閒卽據吳三等呈告並投案質訊驗明吳三傷痕取辜醫治追起石成職銜部照暨查明報捐年分卯次詳請咨革錄供通詳奉批飭審查驗吳三傷已平復遵提覆鞫據供前情不諱詰無另犯爲匪不法亦無起衅別故及在場幫毆之人究詰不移案無遁飾查例載兇惡棍徒屢次生事行兇無故擾害良人所共知確有實據者發極邊足四千里安置凡係一時一事實有情兇勢惡者亦照例擬發又軍民相姦姦夫姦婦各杖一

百柳號一箇月各等語此案石成因欺蔡二夫婦懦弱向其女桂姐嚇逼成姦已屬不法迨因蔡王氏等避居吳三家復敢執持鐵錙尋衅毆傷吳三平復並砸毀門窗傢具尤爲無故擾害強橫已極雖係一時一事實屬情兇勢惡查石成與桂姐通姦罪止柳杖其執持鐵錙毆傷吳三平復鐵錙非民間常用之物照兇器傷人定擬亦罪止近邊充軍實不足以蔽辜自應從重問擬石成合依兇惡棍徒屢次生事行兇無故擾害良人人所共知確有實據者發極邊足四千里充軍凡係一時一事實有情兇勢惡者亦照例擬發例擬發極邊足四千里充軍右面刺烟瘴改發四字到配折責安置蔡桂姐合依軍民相姦姦婦杖一百柳號一箇月例擬杖一百柳號一箇月係犯姦之女杖決柳贖追取贖銀入官冊報桂姐交其父蔡二領回蔡二等訊非有心縱容吳三傷已平復均毋庸議無干省釋兇器鐵錙存庫

備照所有擬議緣由是否允協理合連犯解候審轉

兇惡棍徒

該某縣知縣某審看得訪獲縣民趙甲糾邀錢乙索詐趙丁家銀錢並屢次生事兇無故擾害一案緣趙甲錢乙均籍隸卑縣先未爲匪趙甲素不務正爲人兇橫村人側目趙甲所種地畝與孫丙之地毘連某年月日趙甲雇錢乙一同赴地收割秋禾因收成歉薄起意糾允錢乙將孫丙地內秋禾一併強割適孫丙路過瞥見上前攔阻趙甲喝令錢乙用鐮刀撲砍未傷孫丙畏兇逃回趙甲等一併割完攜歸賣錢分用又某月日趙甲因貧難度稔知總麻服叔趙丁家道殷實老弱可欺起意糾邀錢乙訛錢度用錢乙允從一其兩人均係徒手往向趙丁告貸趙丁未允趙甲卽向爭吵將趙丁家門窗砸毀趙丁畏懼欲逃趙甲將其拉住撲毆未傷趙甲自將左額角磕傷皮破血出捏說趙丁用刀將伊砍傷定欲在趙丁家養傷並向嚇稱如不給

養傷銀一百兩錢十千文定將趙丁全家殺害趙丁無奈將銀錢如數付給了事趙甲攜回與錢乙勻分花用又是年某月日村人李戊有祖遺房屋五間自某年租與趙甲錢乙居住講明每年租錢五千文趙甲等自租之後從未付過租資李戊因趙甲等屢欠租錢未償令趙甲等騰房趙甲不允李戊理論趙甲喝令錢乙把李戊細吊柱上趙甲順拾地上木棒毆傷李戊左右腿右肩甲左右腳踝李戊求饒趙甲聲稱以後如再令騰房定要將其毆死李戊應允當將李戊解放各散以上被害各家孫丙等均畏趙甲等兇惡恐其報復未敢呈控即經卑縣訪聞飭拏於某月日將趙甲錢乙並兇器木棒獲送到案正出示招告間即據孫丙等呈告並投案備質驗明李戊傷痕取辜醫治訊供通詳奉批飭審查驗李戊傷已平復遵提覆鞫據供前情不諱委無另犯爲匪不法究詰不移案無遁飾查例載兇惡棍

徒屢次生事行兇無故擾害良人人所共知確有實據者發極邊足四千里安置等語此案趙甲糾允錢乙強割孫丙地內秋禾已屬兇橫迨後訛詐趙丁銀錢及侵佔李戊房屋並將李戊細毆致傷尤屬屢次無故擾害查該犯等強割孫丙秋禾並侵佔李戊房屋細毆李戊致傷平復均罪止擬杖其訛詐趙丁銀錢賊至一百一十兩之多若照恐嚇取財卑幼犯尊長以凡人論准竊盜贓加一等科罪罪亦止滿流自應從重問擬趙甲合依兇惡棍徒屢次生事行兇無故擾害良人人所共知確有實據者發極邊足四千里充軍例擬發極邊足四千里充軍右面刺煙瘴改發四字到配折責安置錢乙聽從趙甲屢次恃強訛詐亦屬藐法亦應按爲從例問擬錢乙應於趙甲軍罪上減一等擬杖一百徒三年到配折責充徒李戊傷已平復應毋庸議其盜割孫丙地內秋禾訛借趙丁銀兩積欠李戊房租並砸毀

趙丁門窗等件均在該犯等名下追還賠償房屋仍歸李戊管業無干省釋兇器木棒儲庫備照所有擬議緣由是否允協理合連犯解候

憲台審勘

姦拐同逃

該某縣知縣某審看得奇民胡懊因姦拐王吳氏同逃旋即通知氏夫一案緣故獲胡懊籍隸某縣寄居縣屬傭工度日與王吳氏之夫王大比隣居住時常往來王吳氏見面不避某年月閒不記日期胡懊至王大家閒坐適王大赴地工作胡懊見王氏在家獨處即向調戲成姦已非一次並未給過錢物王大並不知情至七月閒胡懊至王吳氏家托縫袷王大出外探親王吳氏慮恐姦情敗露囑令胡懊作主胡懊戀姦情熱起意拐逃冀作長久夫妻當向王吳氏商允約定某日夜在彼等候同逃胡懊當即走回至某日夜三更時胡懊拉驢一頭潛赴王吳氏家門首等候移時王吳氏乘王大睡熟開門走出即騎上驢頭胡懊牽拉同逃迨至某村外天色已明胡懊慮被人窺破將王吳氏領至空窰內藏匿約定至晚再逃某日早王大因不見

其妻四處我尋無踪投約報縣差拿胡懊聞知悔懼欲將王吳氏送回慮恐王大不依遂囑素識之李三向王大告知王吳氏藏匿處所王大卽至空審將王吳氏領回旋經獲犯訊詳奉批飭審遵提覆鞫據供前情不諱詰無另犯姦拐別案王大亦無縱容情事案無遁飾查例載姦夫誘拐姦婦之案本夫不知姦情依和誘知情爲首例擬軍姦婦減等滿徒又和誘知情爲首者發極邊足四千里充軍被誘之人減等滿徒又聞拏投首之犯於本罪上減一等各等語此案胡懊因與王吳氏戀姦情熱起意誘拐同逃本應按例問擬惟於拐逃藏匿後聞拏悔懼囑令李三通知氏夫王大將王吳氏領回核與聞拏投首無異自應酌減問擬胡懊除與王吳氏通姦輕罪不議外合依聞拏投首減一等例於和誘知情爲首者發極邊足四千里充軍例上減一等擬杖一百徒三年至配折責拘役王吳氏與胡懊通姦

後聽從誘拐同逃例應滿徒第首犯既經減擬該氏究係女流無知亦應一律減科王吳氏除與胡懊通姦輕罪不議外應於被誘之人減等滿徒例上再減一等擬杖九十徒二年半係犯姦之婦杖決徒贖追取贖銀人官冊報給與本夫領回聽其去留王大並無縱容情事應與許無不合之李三均毋庸議餘人保釋是否允協理合連犯解候
憲臺審轉

人家案無遁飾查例載姦夫誘拐姦婦本夫不知姦情姦夫仍依和誘知情爲首例擬軍姦婦減等滿徒又和誘知情爲首者發極邊足四千里充軍各等語此案吳二牛與黃大娃之妻黃白氏通姦因慮黃大娃回歸不能續姦輒起意誘拐黃白氏同逃殊屬不法自應按例問擬吳二牛合依姦夫誘拐姦婦之案本夫不知姦情仍依和誘知情爲首擬軍例擬發極邊足四千里充軍至配折責安置黃白氏因與吳二牛戀姦情熱輒敢聽從同逃亦應按例問擬黃白氏合依姦婦減等滿徒例擬杖一百徒三年係犯姦之婦杖決徒贖追取贖銀入官冊報黃大娃訊無縱容抑勒情事應毋庸議黃白氏飭令黃大娃領回聽其去留衣包被褥給主無干省釋是否允協理合連犯解候審轉

誘賣功服卑幼

該某縣知縣某審看得趙乙誘賣功服姪孫女姪兒一案緣趙乙籍隸縣屬務農度日與堂姪趙甲分居各度趙甲向在鄰村課讀其妻錢氏與十歲之幼女姪兒在家居住趙乙因貧難度起意略賣姪兒得錢度用某年月日趙乙向錢氏捏稱城內某廟有戲欲帶姪兒進城看戲錢氏允從趙乙即將姪兒帶至城內官媒某氏家捏稱是其親生幼女願賣爲婢某氏即將姪兒趙乙領至某公館內議定身價銀十兩當卽立契交銀將姪兒留住各散趙乙回村向錢氏捏說姪兒因天晚難行在某親家留其暫住錢氏信以爲真嗣錢氏去某親家接姪兒未見回向趙乙盤出前情通知趙甲回家報縣訊供通詳奉批飭審遵提覆鞠據供前情不諱詰無誘拐重情案無遁飾查律載略賣大功以下卑親爲婢者從几人和略法又略賣良人爲婢者杖一

百流三千里各等語此案趙乙因貧難度起意略賣大功姪孫女姪兒與某公館為婢實屬有乖親誼趙乙除計贓輕罪不議外合依略賣大功以下卑親為婢者從几人和略法略賣良人為婢者杖一百流三千里律擬杖一百流三千里到配折責安置某公館及官媒某氏訊非知情均請免議身價追還給領姪兒仍交趙甲領回完聚賣契銷燬無干省釋是否允協理合連犯解候

憲臺審轉

誘賣功服卑幼

該某縣知縣某審看得縣民張三誘賣大功堂弟張五之妹香姐與李四為婢未成一案緣張三籍隸卑縣負苦度日張五之妹香姐年甫十二歲與張三係同堂兄妹服屬大功同居共度某年月間張五出外傭工留香姐在家日久未回某年月日張三因貧無度起意將香姐誘賣為婢得錢度用即捏稱張五在外病故無人養活勸香姐我主賣身香姐信以為真當即應允適某村人李四需人伺候託張三找買使女張三即將香姐託詞轉賣議定身價大錢一十五千文俟某日人錢兩交是日午後李四攜帶身價令張三寫立字據適張五外回查知情由控經卑職傳訊通詳奉批飭審遵提覆鞠據供前情不諱詰無略賣重情案無遁飾查律載略賣同堂妹為婢者杖九十徒二年半和賣減一等未賣又減一等等語此案張三因無度用輒敢

起意將大功堂妹張香姐捏詞和誘許賣與李四爲婢殊屬不法惟尙未寫立字據卽被張五外回查知卽屬未成自應按律減等問擬張三合依略賣同堂妹爲婢者杖九十徒二年半律上減二等擬杖七十徒一年半定地折責充徒年滿預詳請釋張香姐雖和同被賣律不坐罪飭令張五當堂領回完聚身價尙未付給應與訊非知情之李四均毋庸議是否允協理合連犯解候
憲臺審轉


發塚

該某縣知縣某審看得獲賊李四盜錢乙故父錢丙未埋屍棺鑿孔摸竊得贓一家緣李四籍隸_卑縣種地度日先未爲匪某年月日李四行至村外與素識在逃之某縣人王五撞遇各道貧難李四聲稱伊稔知某村錢丙病故時殮有衣物在村外土窰內浮屠起意摸竊得贓分用王五允從卽於是夜三更時李四攜鐵鑿王五攜刀子油捻同夥二人偕抵土窰門首李四用鐵鑿在窰旁刨挖窟窿一箇與王五爬進窰內點起油捻照亮李四用鐵鑿刀子在棺木大頭鑿得一孔用手摸竊銀鑲洋煙鎗一支洋煙盒一箇仍由原路爬出逃至僻處俵分各散次日經事主錢乙前往燒紙瞥見開單投約報經_卑縣差役緝獲送經_卑會勘差緝至某月日李四逃至某村卽經_卑縣差役緝獲送經_卑訊供通詳奉批緝審查逸賊王五弋獲無期現犯未便久羈遵提覆鞫

據供前情不諱詰未開棺見屍並無窩夥竊劫別案逃後亦無
另犯爲匪不法及知情容留分贓人家案無遁飾查例載盜未
埋屍柩鋸縫鑿孔爲首一二次者杖一百徒三年等語此案李
四因貧難度輒敢起意糾邀王五盜錢乙之故父錢丙未埋屍
棺鋸縫鑿孔填竊得贓殊屬不法雖贓未起獲第據供所盜月
日及竊得物件核與事主呈報相符正賊無疑自應按例問擬
李四合依盜未埋屍柩鋸縫鑿孔爲首一二次者杖一百徒三
年例擬杖一百徒三年左面刺盜棺二字到配折責拘役年滿
預詳請釋該犯逃後訊無另犯爲匪不法暨知情容留分贓人
家應毋庸議失察該犯爲匪之犯父傳家照例責懲該犯在外
爲匪某村牌甲無從覺察分得煙盒據供買給不識姓名人均
請免其置議各贓照估追賠鐵鏹據供撩棄請免查起屍棺飭
令深埋堅固逸賊王五飭緝獲日另結是否允協理合連犯解

候

憲臺審轉



發塚

該某縣知縣某審看得獲賊趙甲發掘吳乙故父吳丙墳墓見棺一案緣趙甲籍隸卑縣負苦度日先未為匪某年月日趙甲行至村外與在逃素識之尤二仔撞遇各道貧難趙甲聲稱伊稔知某村吳丙病故殯葬時殮有衣物起意發掘得財分用尤二仔允從卽於是夜三更後趙甲攜斧鑿尤二仔攜鐵鍬行至村外吳丙墳前趙甲與尤二仔將浮土扒開見棺趙甲正欲用斧鑿孔適月光下見有人走來趙甲等乘空逃逸次日吳乙路過瞥見投約報經卑職會勘訊供至某月日趙甲逃至某村外卽經卑縣差役緝獲送經卑職訊供通詳奉批緝審查逸賊尤二仔弋獲無期現犯未便久羈遵提覆鞫據供前情不諱詰無另犯窩夥發掘別案逃後亦無另犯為匪不法及知情容留人家案無遁飾查例載發掘常人墳塚見棺擲為首者改發近邊

充軍年在五十以上發附近充軍等語此案趙甲因貧難度輒敢起意糾邀發掘吳乙故父吳丙墳墓見棺雖未鑿孔得贓究屬不法查該犯年在五十以上自應按例問擬趙甲合依發掘常人墳塚見棺擲爲首者改發近邊充軍年在五十以上發附近充軍例擬發附近充軍左面刺發塚二字到配後杖一百折責安置該犯逃後訊無另犯爲匪不法及知情容留人家應毋庸議失察該犯爲匪之犯兄照例傳責該犯在外爲匪某村牌甲無從覺察請免置議屍棺飭令修理堅固尤二仔獲日另結是否允協理合連犯解候

憲臺審轉

審看擬式卷二終

審看擬式卷三

謀殺

該某縣知縣某審看得縣民楊大娃因姦糾邀楊三娃謀死王麻子身死一案緣楊大娃籍隸卑縣手藝營生與王麻子鄰村素識無嫌趙王氏夫故寡居王麻子先與通姦嗣楊大娃亦與趙王氏姦好被王麻子查知禁止趙王氏不許與楊大娃往來並稱楊大娃再來定行殺害趙王氏以王麻子兇橫私向楊大娃告知囑勿再往免滋事端楊大娃聞知氣忿起意將王麻子致死除害因趙王氏女流膽小未向告說憶及堂弟楊三娃前被王麻子毆打有嫌往向告述前情央求幫助尙允乘便下手某年月日黃昏時楊大娃約同楊三娃卽暗在趙王氏家門外空地等候至二更後見王麻子一人開門走出回家楊大娃執扑刀楊三娃執木棍潛踪跟至村外河邊王麻子在前行走並

審看擬式

卷三

謀殺